



Broj: 01/5-50-1-6-13/08
Sarajevo, 14.1.2008.godine

Z A P I S N I K
13. sjednice Komisije za saobraćaj i komunikacije,
održane 14.1. 2008. godine

Sjednica je održana 14.1.2008., s početkom u 14,25 sati.

Sjednici su prisustvovali članovi Komisije:

1. Šemsudin Mehmedović
2. Savo Erić
3. Mehmed Suljkanović
4. Selim Bešlagić
5. Sadik Bahtić
6. Husein Nanić

Opravdano su odsustvovali: Snježana Rajilić, Branko Dokić i Slavko Matić.

Iz Vijeća ministara BiH sjednici su prisustvovali: Sredoje Nović, ministar civilnih poslova BiH, Veselin Poljašević, zamjenik ministra komunikacija i prometa BiH i Mirko Šekara, pomoćnik ministra komunikacija i prometa BiH.

Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Šemsudin Mehmedović, prvi zamjenik predsjedavajućeg Komisije.
Predložen je sljedeći

D N E V N I R E D

1. Prijedlog zakona o izmjenama i dopunama Zakona o putnim ispravama BiH - predlagač: Vijeće ministara BiH (druga faza);
2. Tekuća pitanja.

Dnevni red jednoglasno je usvojen.

Ad. 1.

Šemsudin Mehmedović je upoznao prisutne da je Predstavnički dom na 18. sjednici, održanoj 13.12.2007., usvojio u prvom čitanju Prijedlog zakona o izmjenama i dopunama Zakona o putnim ispravama BiH, da je amandmane na predloženi tekst zakona blagovremeno dostavio poslanik Milorad Živković, te pozvao predstavnika Vijeća ministara da se izjasni o amandmanima.

Sredoje Nović je istakao da su amandmani prihvatljivi, da se prvi amandman odnosi na važenje putnih isprava za izbjeglice, a da je drugi amandman više tehničke prirode i ne mijenja suštinu, jer predviđa da će

se odredbe člana 7. ovog zakona početi primjenjivati po sticanju tehničkih uslova, što će biti određeno posebnim aktom Ministarstva civilnih poslova. Mišljenja je da će se do kraja ove godine ispuniti svi tehnički uslovi i da će se biometrijske putne isprave početi izdavati sa 1.1.2009.godine.

Nakon rasprave, Komisija je jednoglasno usvojila sljedeće amandmane:

Amandman I.

Član 21. mijenja se i glasi:

“Putne isprave predviđene ovim zakonom izdaju se s rokom važenja od pet godina, a licima koja nisu navršila sedam godina života s rokom važenja od tri godine, osim putne isprave za izbjeglice koja se izdaje s rokom važenja od dvije godine, te putnog lista za državljane BiH i putnog lista za strance koji se izdaju s rokom važenja od 30 dana”.

Amandman II.

U članu 22. briše se druga rečenica koja glasi: “Zakon će se početi primjenjivati po sticanju tehničkih uslova , što će biti određeno posebnim aktom Ministarstva civilnih poslova”.

U istom članu dodaje se stav 2. koji glasi:

“Odrebe člana 7. ovog zakona početi će se primjenjivati po sticanju tehničkih uslova, što će biti određeno posebnim aktom Ministarstva civilnih poslova”.

Komisija je konstatirala tehničku grešku u tekstu Prijedloga zakona, u članu 14. u kojem umjesto riječi “Član 19.” treba da stoji “Član 19b.”. Uz saglasnost predlagača, zaključeno je da se skraćenica “MCP” u cijelom tekstu Prijedloga zakona zamjenjuje riječima: ”Ministarstvo civilnih poslova”.

Komisija je, također, u raspravi o ovoj tački dnevnog reda usvojila zaključak koji upućuje Predstavničkom domu na usvajanje:

Uzimajući u obzir činjenicu da su od stupanja na snagu Zakona o putnim ispravama BiH (“Sl. glasnik BiH” broj 4/97, 1/99, 9/99, 27/00, 32/00, 19/01, 47/04 i 53/07) izvršene znatne izmjene i dopune Zakona, potrebno je, nakon okončanja postupka za Prijedlog zakona o izmjenama i dopunama Zakona o putnim ispravama BiH, u što kraćem roku sačiniti prečišćeni tekst Zakona o putnim ispravama BiH.

Komisija za saobraćaj i komunikacija jednoglasno je prihvatila tekst Prijedloga zakona sa usvojenim amandmanima, te predlaže Predstavničkom domu da usvoji Prijedlog zakona o izmjenama i dopunama Zakona o putnim ispravama BiH.

U smislu odredbi člana 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se prvi zamjenik predsjedavajućeg Komisije Šemsudin Mehmedović.

Ad. 2.

S obzirom da nije bilo pitanja, predsjedavajući je zaključio sjednicu u 14,40 sati.

SEKRETAR KOMISIJE
Ahmed Jalovičić

PRVI ZAMJENIK
PREDSJEDAVAJUĆEG KOMISIJE
Šemsudin Mehmedović

